

LEKGETHO LA DI-DIVIDENTE

Ke sefe se setjha?

- **13 Phuptjane 2017 - Ditafole tsa Lekgetho la Di-dividente - Kgutsufatso ya dikgahla tsa DTA**

[Kgutsufatso ya morao-rao tjena ya dikgahla tsa lekgetho le tshwarang ho latela Ditumellano tsa Afrika Borwa tsa Tefiso e Habedi ya Lekgetho](#) eo ha jwale e ntseng e sebetsa (Afrika le lefatshe ka bophara) e se e phatlaladitswe.

- **09 Tihakubele 2017 - Lekgetho la di-dividente - Tokomane ya Tlhakisetso ya Lekgetho la di-dividente – Phetoho ya Sekgahla sa Lekgetho**

Dinoutsu tsa botoloki tse ka hara tokomane di sebetsa ho BRS eo sehlooho sa yona e leng “[SARS_External BRS_2014_Dividends Tax_v2.0.1-6](#)” e qalang ka la 1 Tihakubele 2015. Tokomane ena ke kgutsufatso ya phetoho ya molao e mabapi le ho eketswa ha Sekgahla sa Lekgetho bakeng sa dinyehelo tse lokelang ho etswa mafelong a Tihakubele 2017.

Hlokomela: Tokomane ena ya Tlhakisetso e sebetsa bakeng sa dinyehelo tse lokelang ho etswa mafelong a Tihakubele 2017. Diteko tsa tshebetso ya SARS di tla ntjhafatswa ho tloha ka la 13 Tihakubele 2017.

Ebe Lekgetho la Di-dividente ke eng?

Lekgetho la Di-dividente ke lekgetho hodima beng ba diabo (beng ba unang molemo) ha ba leshwa di-dividente mme ka tlwaelo, le tshwarwa ho tswa tefong ya bona ya dividende ke akgente e tshwarang (e ka ba khampani e lefang dividende, kapa moo ho nang le moemedi ya molaong, ka yena). Hantlente dividende ke tefo efe kapa efe ka khampani ho ya ho mongaseabo bakeng sa seabo seo a se tshwereng khampaning eo, ho sa kenyeletswa morokotso wa lekgetho la tjhelete le abilweng (ke hore se fumanweng ke khampani ka lebaka la ho ntshuwa ha diabo tse). E susumetswa ke tefo ya dividende ke efe kapa efe ya tse latelang:

- Khampani e lefang lekgetho eo e leng ya Afrika Borwa; kapa
- Khampani ya matjhabeng eo diabo tsa yona di leng mmarakeng wa phapanyetsano ya diabo wa Afrika Borwa.

Tefo ya dividende e etswang ke dikhampani tseo e leng tsa ntlokgolo ha di angwe ke Lekgetho la Di-dividente. Lekgetho la Di-dividente le nkile sebaka sa STC ka maikemisetso a ho:

- tsepamisa Afrika Borwa le melao ya matjhaba moo moamohedi wa dividende a lefang lekgetho lena (Afrika Borwa e ne e le e nngwe ya dinaha tse mmalwa tse neng di na le maemo a kgwebo a di-dividente, a kang STC) e seng khampani
- etsa hore Afrika Borwa e be sebaka se hohelang botsetedi ba matjhaba ka ho fedisa mohopolo o fosahetseng wa sekgahla se hodingwana sa lekgetho la kgwebo (STC ke lekgetho le leng hape la kgwebo) hodima diphelele tsa poloko ya dibuka tsa ditjhelete tse tlasana (STC e ne e lokela ho nkelwa hloohong ka hara Setlankana sa Felletseng sa Lekenon (Setlankana sa Lekenon).

Ba bang ba baunamolemo ba di-dividente ba tshwanelwa ke ho se amehe (batho ba lehae le/kapa ba matjhabeng) kapa sekgahla se fokoditsweng (batho ba matjhabeng) tlasa mokgwatshebetso wa Lekgetho la di-Dividende, ha di-dividente tse fumanweng ke bona tlasa mokgwatshebetso wa STC di ne di lefiswa lekgetho ka botlalo khampaning e tsebahatsang dividende.

Ke mang ya lokelang ho le lefa?

Lekgetho la Di-dividente le leshwa ke monga dividende, empa ha le angwe ke tefo ya dividende mme le leshwa ho SARS ke akgente e tshwarang. Le ha ho le jwalo, motho ya ikarabellang ho tsa lekgetho, e dula e le yena ya jarang boikarabelo ba tefo ya lekgetho ebang akgente e tshwarang e hloleha ho tshwara bokaalo bo nepahetseng ba lekgetho. Mokgelo wa tlwaelo ena ke moo dividende e nang le kabo ya thepa mofuteng o itseng, e qetellang e bakile hore ho be le sekoloto sa lekgetho mme se qetelle se wetse hodima khampani ka boyona (ho tshwana feela le STC), mme sena se bolela hore e ka se tshware lekgetho ho tswa tefong ya dividende.

Ho tla leshwa bokae?

Sekgahla sa Lekgetho la Di-dividente se eketsehile ho tloha ho 15% ho isa ho 20% bakeng sa dividente efe kapa efe e lefilweng ka la kapa ka mora la 22 Hlakola 2017 (ho sa natswe letsatsi la tsebahatso), ntle feela le ha ho sebetsa ho se amehe kapa sekgahla se fokoditsweng.

Kgutsufatso ya dikgahla tsa lekgetho le tshwarang ho latela Ditumellano tsa Afrika Borwa tsa Tefiso e Habedi ya Lekgetho eo ha jwale e ntseng e sebetsa e arotswa ho ba dikarolo tse pedi, Afrika le lefatshe ka bophara. Boha maqephe a mabedi a [Ditafole tsa Lekgetho la Di-dividente - Kgutsufatso ya dikgahla tsa DTA](#)

E lokela ho leshwa neng?

Lekgetho la Di-dividente le ama dividente efe kapa efe e tsebahaditsweng le ho leshwa ho tloha ka la 1 Mmesa 2012 ho ya pele, mme akgente e tshwarang (ekaba khampani kapa moemedi ya molaong) e lokela ho lefa lekgetho le tshwerweng ho SARS ka la kapa pele ho letsatsi la ho qetela la kgwedi e latelang kgwedi eo ka yona dividente e ileng ya leshwa ka lona. Ditefo tsa Lekgetho la Di-dividente di lokela ho tsamaya mmoho le kgutliso (DTR01/02). Dikotlo le tswala di ka ba teng bakeng sa ditefo tse morao tsa di-dividente tsa lekgetho kapa ho nyehelwa ha dikgutliso tsa lekgetho la di-dividente tse morao ho nako.

Ke tlameha ho nka mehato efe?

Jwalo ka mongaseabo (ekaba khampaning eo e leng ya Afrika Borwa kapa khampaning ya matjhabeng, diabo tse leng mmarakeng wa Phapanyetsano wa Afrika Borwa) o tla jara boikarabelo ba Lekgetho la Di-dividente nakong eo o leshwang dividente. Le ha ho le jwalo, akgente e tshwarang e amehang e tla lokela ho tshwara le ho lefa lekgetho ho SARS. Akgente e tshwarang e boela e lokela ho o romella tsebahatso e hlokehang mmoho le diforomo tsa boitlamo hore o di tlatse ebang o lakatsa ho ba monyetleng wa ho se amehe hofe kapa hofe kapa sekgahla se fokoditsweng tlasa DTA (bakeng sa baahi ba melata feela). Foromo e tlatsetsweng e tlameha ho romelwa ho akgente e tshwarang pele e ka ba monyetleng wa ho se angwe ke tefo ya dividente kapa ya ho tshwarwa ho latela sekgahla se fokoditsweng.

Keletso ya bohlokwa: Bongata ba diakgente tse tshwarang bo se bo akareditse diforomo tsena tsa tsebahatso ka hara motjha wa tsona wa ho bula akhaonto, mme ka hona ha ho hlokehe hore ho etswe jwalo hamoraonyana. Ebang ho ka ba le phetoho e kgolo e mabapi le tsebahatso e jwalo, ke boikarabelo ba monga molemo ona ho tsebisa akgente e tshwarang ka sena.

Ebe phapang ke efe pakeng tsa Lekgetho la Di-dividente le Lekgetho la Bobedi la Dikhampani?

Phapang e kgolo e hodima hore ke mang ya jarang boikarabelo ba lekgetho. Lekgetho la Di-dividente ke lekgetho le lefiswang beng ba diabo nakong eo ba fumanang di-dividente, ha STC e ne e le lekgetho le neng le lefiswa dikhampani ka nako ya tsebahatso ya di-dividente. Ha ho na ho tsamaisana pakeng tsa STC le Lekgetho la Di-dividente. Ebang dividente e ile ya tsebahatswa ka la 1 Mmesa 2012 (ho sa natswe letsatsi leo tefo ya nnete e entswe ka lona) hoo ho bolela hore e ne e angwa ke STC. Ke feela moo dividente e tsebahaditsweng le ho leshwa ka la kapa ka mora la 1 Mmesa 2012 moo e tlang ho angwa ke Lekgetho la Di-dividente.